

MAHIR DEVIĆ
Zastupnik SDA u Skupštini KS

Sarajevo 26.03.2019.godine

VLADA KANTONA SARAJEVO

PREDMET: ZASTUPNIČKA INICIJATIVA

Poštovani, na osnovu člana 106. Poslovnika Skupštine Kantona Sarajevo ("Službene Novine Kantona Sarajevo", broj 25/10,14/11,19/11, 7/12, 26/12) prema Skupštini Kantona Sarajevo :

Pokrećem inicijativu prema Vladi Kantona Sarajevo da putem Neovisnog stručnog tijela sagleda mogućnost korekcije ili dopunu Odluke o visini tarifnih stavova „KJKP TOPLANE-SARAJEVO d.o.o. Sarajevo“ u dijelu Odluke član 1. tačka 2.2. i 2.3. poslovni samostojeći objekti sa ugrađenim mjerilima, a ista bi se odnosila na promjenu visine tarifnih stavova (cijene) za javne objekte, kao što su : sportske dvorane, bazeni i sl.

OBRAZLOŽENJE

Na osnovu usvojene Odluke od strane Vlade Kantona Sarajevo o visini tarifnih stavova KJKP „TOPLANE-Sarajevo“ d.o.o. Sarajevo br. 02-05-36756-9/17 od 28.12.2017. godine, i njenim članom I tačka 2.2. i 2.3. utvrđeno je da se na ime isporučene jedinice energije (KWh) plaća iznos od 0,0965 KM, odnosno na ime priključne snage (KM/kW) plaća iznos od 5,1958 KM. Ako se uzme prosjek da svaki pomenuti javni objekt (sportska dvorana-bazen) ima cca 1.700 m² korisne površine, dolazimo do računice da za zagrijavanje istog je potrebna priključna snaga od 350 KW. U skladu sa navedenim parametrima a prostom računicom dolazimo do činjenice da se na godišnjem nivou iz Budžeta Kantona i Općina izdvaja cca 22.000 KM samo na ime priključka i angažovane snage po jednom objektu, plus troškovi za isporučenu energiju.

Uvažavajući navedene činjenice i uvidom u stanje na terenu, evidentno je da trošak grijanja a pogotovo trošak na ime plaćanja priključne snage značajno utiče na poslovanje privrednih subjekata koji upravljaju navedenim objektima, koji evidentno, a u cilju ostvarivanja ušteda, su primorani da nedovoljno zagrijavaju navedene prostore, čime isti postaju neuslovni za korištenje.

Smatram da je, a u cilju podticanja razvoja masovnog i profesionalnog sporta kao i promocije sporta na području Kantona Sarajevo, neophodno izvršiti navedenu korekciju kako bi se svi navedeni objekti, u koje su uložena ogromna budžetska sredstva, stavili u punu funkciju, a u korist građana Kantona Sarajevo.

Mahir Dević

